



Број: 01/4-50-3-4-12/15
Сарајево, 16.9.2015.

Z A P I S N I K

12. sjednice Komisije za finansije i budžet Predstavničkog doma Parlamentarne skupštine BiH, održane 14.9.2015., od 15,00 do 16,10 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Amir Fazlić, Dušanka Majkić, Mirsad Isaković, Aleksandra Pandurević, Jasmin Emrić i Damir Bećirović.

Sjednici su, također, prisustvovali: Damir Arnaut, poslanik u Predstavničkom domu Parlamentarne skupštine BiH, Dževad Nekić, zamjenik generalnog revizora u Uredu za reviziju institucija BiH, Sehija Mujkanović, pomoćnica ministra, Nedeljko Tanasković, šef odsjeka u Ministarstvu finansija i trezora BiH, Samir Mušović, savjetnik, Aleksandar Paleksić, Elma Muratović i Karlo Holub, saradnici u USAID SGIP, Nejra Neimarlija - Roić, saradnica Instituta za razvoj mladih KULT, Robert Vidović, sekretar Komisije za finansije i budžet Doma naroda PSBiH, Alma Salkić-Mijić, stručna savjetnica za zakonodavno-pravna pitanja i pravo EU, Aida Kreho, stručna savjetnica za zakonodavno-pravna pitanja i pravo EU u Zakonodavno-pravnom sektoru PSBiH, Samir Buljina, stručni savjetnik, Vlade Srdanović, stručni saradnik, te Željko Kosmajac, sekretar Komisije.

Sjednici je prisustvovala i predstavница медија Semira Degirmendžić, novinarka Dnevnog avaza.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći

DNEVNI RED

1. Usvajanje Zapisnika 11. sjednice Komisije;
2. Razmatranje Prijedloga zakona o dopunama Zakona o plaćama i naknadama u institucijama BiH – druga komisijska faza (predlagač: poslanik Damir Arnaut);
3. Razmatranje nacрта budžeta Ureda za reviziju institucija BiH za 2016. godinu (sačinilac: Ured za reviziju institucija BiH);
4. Razmatranje šestomjesečnog finansijskog izvještaja Ureda za reviziju institucija BiH na dan 30.6.2015. (sačinilac: Ured za reviziju institucija BiH).

Ad.1. Usvajanje Zapisnika 11. sjednice Komisije

Duška Majkić predložila je da se tačka 3. Tekuća pitanja u Zapisniku 11. sjednice Komisije dopuni na sljedeći način:

„Aleksandra Pandurević predložila je da Komisija, pored revizorskih izvještaja o finansijskom poslovanju institucija BiH koji su predviđeni da se razmatraju u skladu s Planom za razmatranje revizorskih izvještaja za 2014. godinu (revizorsko „mišljenje s rezervom“ i „mišljenje s rezervom uz isticanje predmeta“), razmatra i Revizorski izvještaj o finansijskom poslovanju Uprave za indirektno oporezivanje BiH za 2014, koji je dobio revizorsko „pozitivno mišljenje sa isticanjem predmeta“, te da na sjednici Komisija sasluša predstavnike Uprave“.

Komisija je, sa osam glasova „za“ i jednim glasom „suzdržan“, usvojila dopunu Zapisnika.

Potom je Komisija jednoglasno usvojila Zapisnik 11. sjednice Komisije s navedenom dopunom.

Ad.2. Razmatranje Prijedloga zakona o dopunama Zakona o plaćama i naknadama u institucijama BiH – druga komisijska faza (predlagač: poslanik Damir Arnaut)

Predsjedavajući Komisije konstatirao je da je Predstavnički dom PSBiH 22.7.2015. razmatrao i usvojio Prijedlog zakona u prvom čitanju. Komisija je na 11. sjednici, održanoj 25.8.2015., razmatrajući Prijedlog zakona, usvojila zaključak kojim je odgodila izjašnjavanje o Prijedlogu zakona i zatražila od Kolegija Predstavničkog doma da produži rok za dostavu izvještaja o Prijedlogu zakona za 10 dana. Kolegij Predstavničkog doma odobrio je zahtjev Komisije za produženje roka za dostavu izvještaja o Prijedlogu zakona za 10 dana. Na Prijedlog zakona amandmane su uložili poslanici: Salko Sokolović, Amir Fazlić i Aleksandra Pandurević.

Potom je otvorena rasprava u kojoj su učestvovali: Duška Majkić, Aleksandra Pandurević, Predrag Kožul, Mirsad Isaković, Damir Arnaut, poslanik u Predstavničkom domu Parlamentarne skupštine BiH, i Sehija Mujkanović, pomoćnica ministra finansija i trezora BiH.

Nakon rasprave o pojedinostima i Prijedlogu zakona u cjelini, Komisija je pristupila glasanju o amandmanima:

Aleksandra Pandurević odustala je od amandmana podnesenog 2.9.2015.

Salko Sokolović i Amir Fazlić odustali su od amandmana podnesenog 30.7.2015.

Amandman I. poslanika Aleksandre Pandurević, Nenada Lalića, Salka Sokolovića, Amira Fazlića, Jasmina Emrića, Mirsada Isakovića i Damira Bećirovića, sa sedam glasova „za“, jednim glasom „protiv“ i jednim „suzdržanim“ glasom, usvojen je i glasi:

U Prijedlogu zakona o dopunama Zakona o plaćama i naknadama u institucijama Bosne i Hercegovine član 1. mijenja se i glasi:

“Član 1.

U Zakonu o plaćama i naknadama u institucijama Bosne i Hercegovine (“Službeni glasnik BiH”, br. 50/08, 35/09, 75/09, 32/12, 42/12, 50/12, 32/13 i 87/13) u članu 39. iza stava (2) dodaju se novi st. (3), (4) i (5) koji glase:

(3) Članovi upravnih odbora, nadzornih i drugih radnih tijela, koji su zaposleni u institucijama koje se finansiraju iz budžeta institucija BiH, Federacije BiH, Republike Srpske, Brčko Distrikta BiH i kantona, izuzimajući visokoškolske ustanove, nemaju pravo na naknadu za rad u takvim tijelima koji obavljaju tokom radnog vremena.

(4) Mjesečna naknada za rad u upravnim odborima, nadzornim i drugim radnim tijelima može iznositi maksimalno do visine osnovice za obračun plaće zaposlenim u institucijama Bosne i Hercegovine.

(5) Ukupna godišnja naknada članu upravnog odbora, nadzornog i drugog radnog tijela može iznositi maksimalno do visine 12 mjesečnih naknada utvrđenih u stavu (4) ovog člana i ona se ne može prekoračiti ni učešćem u radu više i/ili različitih radnih tijela.”

Amandman II. poslanika Aleksandre Pandurević, Nenada Lalića, Salka Sokolovića, Amira Fazlića, Jasmina Emrića, Mirsada Isakovića i Damira Bećirovića, sa sedam glasova „za“ i dva „suzdržana“ glasa, usvojen je i glasi:

U Prijedlogu zakona o dopunama Zakona o plaćama i naknadama u institucijama Bosne i Hercegovine član 2. mijenja se i glasi:

“Član 2.

Iza člana 57. dodaje se novi član 57a. koji glasi:

Član 57a.

Institucije Bosne i Hercegovine dužne su uskladiti svoje podzakonske akte s članom 39. ovog zakona u roku od 90 dana od dana stupanja na snagu ovog zakona.”

Potom je Komisija, sa sedam glasova “za”, jednim glasom “protiv” i jednim “suzdržanim” glasom, prihvatila Prijedlog zakona o dopunama Zakona o plaćama i naknadama u institucijama Bosne i Hercegovine sa usvojenim amandmanima u drugoj komisijskoj fazi.

Ad.3. Razmatranje nacrta budžeta Ureda za reviziju institucija BiH za 2016. godinu (sačinilac: Ured za reviziju institucija BiH)

Zamjenik generalnog revizora Ureda za reviziju institucija BiH Dževad Nekić obrazložio je nacrt budžeta Ureda za reviziju institucija BiH za 2016. godinu.

Nakon toga otvorena je rasprava u kojoj su učestvovali: Dušanka Majkić, Damir Bećirović i Dževad Nekić, zamjenik generalnog revizora Ureda za reviziju institucija BiH.

Potom je Komisija jednoglasno odobrila nacrt budžeta Ureda za reviziju institucija BiH za 2016. godinu.

Ad.4. Razmatranje šestomjesečnog finansijskog izvještaja Ureda za reviziju institucija BiH na dan 30.6.2015. (sačinilac: Ured za reviziju institucija BiH)

Predsjedavajući Komisije konstatirao je da je Komisija primila k znanju šestomjesečni finansijski izvještaj Ureda za reviziju institucija BiH na dan 30.6.2015.

Sekretar Komisije

Željko Kosmajac

Predsjedavajući Komisije

Predrag Kožul

Prilog: Neautorizirani transkript 12. sjednice Komisije za finansije i budžet PDPSBiH